

24 октябрь 1939 ар № 99 (676)

9-тй АРЗЭ ПОТЭ.

Дуныз: толзэьлы 50 коп.

1 номерезлэн дуныз 5 коп.

Вань странаосысь пролетарийёс, огазеяське!

УДАРНИК

ВКП(б)-лэн М-Пурга Райкомез-

лэн но Райисполкомлэн

органзы

—(АДРЕС: М-Пурга УАССР)—

РСФСР-лэн трудящойёсызлэн депутат'ёссылэн краевой, областной, окружной, районной, городской, сельской но поселковой Совет'ёссызы быр'ён'ёслэн нуналзы сярысь

РСФСР-лэн Верховной Советэзлэн

Президиумезлэн

УКАЗЭЗ

1. РСФСР-лэн трудящойёсызлэн депутат'ёссылэн краевой, областной, окружной, районной, городской, сельской но поселковой Совет'ёссызы быр'ён'ёсты 24 декабре 1939 арын назначить кароно.

2. РСФСР-лэн трудящойёсызлэн депутат'ёссылэн интыосысь Совет'ёссызы быр'ён'ёс'я избирательной кампанилэсь кутсконзэ 1939 арлэн 24 октябрьсеныз ялоно.

РСФСР-лэн Верховной Советэзлэн Президиумезлэн председателэз

А. Бадаев

РСФСР-лэн Верховной Советэзлэн Президиумезлэн секретарез

Г. Козлов.

Москва, 21 октябрье 1939 аре.

Удмуртской АССР-лэн трудящойёсызлэн депутат'ёссылэн районной, городской, город'ёсын районной, сельской но поселковой Совет'ёссызы быр'ён'ёслэн нуналзы сярысь

Удмуртской АССР-лэн Верховной Советэзлэн президиумезлэн

УКАЗЭЗ

1. „Удмуртской АССР-лэн трудящойёсызлэн депутат'ёссылэн районной, городской, сельской но поселковой Совет'ёссызы быр'ён'ёс сярысь положеннезлэн“ 74 но 75 статьясызлэн основанызы Удмуртской АССР-лэн трудящойёсызлэн депутат'ёссылэн районной, городской, город'ёсын районной, сельской но поселковой Совет'ёссызы быр'ён'ёсты 1939 арын 24 декабре назначить кароно.

2. Удмуртской АССР-лэн трудящойёсызлэн депутат'ёссылэн районной, городской, город'ёсы районной, сельской но поселковой Совет'ёссызы быр'ён'ёс'я избирательной кампанилэсь кутсконзэ 1939 арлэн 24 октябрьсеныз ялоно.

Удмуртской АССР-лэн Верховной Советэзлэн президиумезлэн председателэзлэн заместителэз **Крупин.**

Удмуртской АССР-лэн Верховной Советэзлэн президиумезлэн секретарез **Пестерев.**

Ижевск город 1939 аре 22 октябрье.

СССР но Германия куспын дружба но граница сярысь германо советской договорез но со борды гожтэм дополнительной протоколэз СССР-лэн Верховной Советэзлэн Президиуменыз ратифицировать карон сярысь

ТАСС-лэн ивортонэз

19 октябрье СССР-лэн Верховной Советэзлэн Президиумез ратифицировать кариз СССР но Германия куспын дружба но граница сярысь 28 сентябрье туэ арын, Москваын гожтэм германо-советской Догово-

рез но со выли верам Договор борды 4 октябрье туэ арын Москваын подписать карем Протоколэз но Договор но Протокол борды приложить карем картаос-ты.

Эстонской печать советской войскаослэн Эстоние вуэмзы сярысь

Таллин, 19 октябрье. (ТАСС). Эстонской газет'ёс советской войскаослэн Эстоние вуэмзы сярысь ивортывса, пус'ё Советской Союзлэн но Эстонилэн военной представитель-

ёссылэсь дружественной пумискемзэс. Калык Красной Армилен частьёсыныз туж интересоваться кариське.

Интыосысь совет'ёсы быр'ён но поповщинаез разоблачить карон

Асьме агитатор'ёслэн но пропагандист'ёслэн быр'ён'ёс азын валэктон ужазы важной инты басьтэ антирелигиозной пропаганда. СССР-лэн но Союзной республикаослэн Верховной Совет'ёссызы быр'ён'ёсы дасяськон кампанилэн опытэз возматйз, что церковник'ёс но сектантской вожак'ёс асьсэлэн религиозной махинациясызы использовать каро.

Тросэз церковник'ёс пöлысь валэктон улсын Сталинской Конституцилэсь, вань граждан'ёслы избирательной право предоставлять карон сярысь, положенизэ искажать карылызы. Соос верало вал, что советской власть церковник'ёсты кулэ адямиосын признать кариз но соин соосты совет'ёсы бырыны кулэ. Куд'ёсыз церковник'ёс даже асьсэлэсь кандидат'ёссэс намечать карыло вал.

Избирательной праволэсь смыслэз искажать карыса, церковник'ёс тыршылызы азыпалан но тыршозы избирательёслы, религиозной организациосысь кандидат'ёсты на вязывать карыны. Религиозной организациосын тыршозы являться уг карисько шуныса валэктны кулэ и соослэн правозы өвөл асьсэлэсь кандидат'ёссэс выставлать карыны уг быгато.

Трос интыосын церковник'ёс но сектантской проповедник'ёс инмарлы оскисьёсты быр'ён'ёсын участвовать карыны уг лэзэ вал.—Политика, пе, „Мирской“ уж нош верушкой „Мирской“ ужен заниматься уг кариськы.

Церковник'ёс асьсэлэсь враждебной махинациясыз тем дыр'я Советской властылэсь оскон сярысь фальшивой заявлениосын прикрывать каро. Таце заявлениос инмарлы оскисьёсты алданы понна пöдымын. Ведь тодмо религиозной организациос асьсэ ктыре люкало улолэсь бере кылем калыкен чөш, пазыгем эксплоататорской класс'ёслэсь гыжжал'ёссы но.

Именно та берлоосыз церковной но сектантской общинаослэн кивалтысенызы но деятельностьсыз направлять карисенызы луо. Вредительской пропагандаез соос нуо церковник'ёсын кылдытэм таце

нимаськись агент'ёслэн сетеныз „Манашкаос“, „Мирской Старец'ёс“, „Юродивойёс“, калгысь кура-ськисьёс пыр. Соосты ыстысь попуе сектантской вожак палэнэ кыле, мон пе, политикалэсь кыдэкын шуыса.

Чем дыр'я поп'ёс, традиционной, поповской дйсыськонзэс куштыса, стекольщик'ёсын, жестянщик'ёсын вуриськисьёсын но мукет'ёсын луыса ветло. Сыче поп—„Передвижка“ интыысь организациослы шодсконтэм со не только религиозной ужез гинэ нуэ и инмарлы оскисьёслэн коркаосазы обряд'ёс лэсьтылэ: нылпиосыз крестить каре, и кулыса кемалэсь ватэм мурт'ёсты отпевать каре.

ВКП(б)-лэн XVIII-тй с'ездэз возматйз, что Куиньметй Сталинской Пятилеткалэн решающей задача-еныз луэ массаез коммунистически воспитать карон, трудящойёслэн сознанийысьтызы капитализмлэсь пережиток'ёссэ ликвидировать карон. Религиялы оскон капитализмлэн самой вредной но самой углэп пережитокеныз луэ.

Грузинской православной церковлэн патриархэз „Безбожник“ газетлэн корреспондентеныз беседааз вераз, что со оске, что религия коммунизме „тулляськыны“ (вклиниться) быгатоз. Вань та религиез но коммунизме примирить карон попыткаос направить каремын солы, чтобы религиялэсь реакционной рольэз замаскировать карыны, ватыны инмарлы оскисьёслэсь религиялэсь калыклэн интересэзлы тушмонлыксы.

СССР-лэн Верховной Советаз но Союзной но Автономной Республикаослэн Верховной Совет'ёссызы быр'ён'ёс дыр'я коммунист'ёслэн но беспартийнойёслэн блоксы блестящей вормон'ёсты одержать кариз. Со ожит гинэ блестящей вормон'ёсты одержать уз кары. Трудящойёслэн депутат'ёссылэн Совет'ёссызы быр'ён'ёс дыр'я но. Сталин эшлэсь указаниоссы улонэ пыртыны понна кулэ туж зол нюр'яськыны со сярысь, что асьмелэн агитационной ужмы „мынйз не большевикски, то калык враждебной алямяосты уз лэзэ аслаз Верховной орган'ёссыз.

М. Искринский.

План мултэсэн быдэстэмын

Великой Октябрьской Социалистической революцилэсь 22 ар тирмонзэ выль вормон'ёсын пумитаны Гожнинской МТС-ысь 1 № ро тракторной бригада (бригадирез Созонов эш) предоктябрьской соревнования пыриськыса туэ 1939 арын гы-

рон планзэ мултэсэн быдэстэмын тйз. 2010 га гырон интые 2080 га гыриз.

Тракторист'ёс Я. Баграшев, В. Дулесов, В. Ушаков, Г. Ясонов Универсал—2 тракторен 2,6 га гырон интые 6 га гырылызы.

А. Семенов.

Уже уг потало

М.Пургинской сельсоветысь Буденныйлэн нимыныз нимам колхозын колхозник'ёс колхоз уж сярысь уг сюлмасько. Колхозник'ёс но колхозницаос колхозной уже 20 процентлэсь трос уг потало, кылемез ваньмыз асьсэлэн хозяйствозы ужало.

Колхозник'ёс колхозэ ужаны шуыса вал куро но кытчы мынэм-ы потэ отчы мыно. Колхозын уробо тйрлык сёрылськемын, кытчы ке мыноно уробоос өвөл, нош правление таце ужез тодыса но но кыче ужрад уг куты.

Косолев.



Политрук (егит боец'ёслы):—Тя азын, эш'ёс, тилед мумы-бубыос-
тылэн азыло дыре улэмзы...

Соревнование пырьскызы

Гожнинской МТС-ысь 5 №-ро тракторной бригадысь тракторист'ёс пöлын „Красный пролетарий“ заводысь ужасьёслэсь но ВКП(б)-лэн Удмуртской Обкомез-лэсь но Совнаркомлэсь предоктябрьской соревнование пырьскон сярысь вазиськемзэс обсуждать карыса татысь тракторист'ёс асьсэ выль обязательствоос басьтызы но предоктябрьской социалистической соревнование пырьскызы.

5 №-ро тракторной бригадысь МК-1100 кутсаськон машинаец кутсаськысьёс машинист Я. Егоров но тракторист А. Зиновьев нуналлы 12 тонна кутсан интые 16 тонна дорожь кутсало. Соос предоктябрьской соревнование пырьскысы нуналлы быдэ 20 тонна кутсань обязательство басьтызы.

М. Михайлов.

Кызы люконо колхоз'ёсын денежной доход'ёсты

1938 аре 5-тй декабре опубликовать каремын вал СССР-лэн СНК-ез-лэн но ВКП(б)-лэн ЦК-езлэн постановленизы. „Колхоз'ёсын денежной доход'ёсты люкон сярысь, кудыз колхоз'ёслэн но местной орган'ёслэн ходатайствозыя сельскохозяйственной артельлэн примерной уставезлэн 12-тй статьяз трос воштон'ёс пыртэ.

Та постановление леземын еще но азыланьын колхоз'ёсты организационно-хозяйственно золемыны, колхозной хозяйствозез выль жутьны, быдэсак порядок пуктыны колхоз'ёсын денежной хозяйствозез.

Сталинской сюлмаськонэн окружить карыськыса, выль техникаен вооружить карыса, колхоз'ёс арысь-аре асьсэлэсь хозяйствозез умоято, асьсэлэсь доходзэс бюджето.

Гожнинской сельсоветысь „Каймашур“ колхоз 1937 арын басьтыз денежной доход 89.460 манет озы ик 1938 арын но. Та колхоз 1937 арын трудоденьлы люкиз 1 манет 90 копейка, нош 1938 арын 2 манет. Тазы ик трос денежной доход басьтэмын „Победа“ колхозын, таце пример'ёс трос.

Колхозник'ёслэн хозяйствозы бюджетын, неуклонно будэ колхозник'ёслэн зажиточностьсы.

Колхозной доход'ёсты люкон иметь каре баджым хозяйственной но политической значениос.

Асьмелэн социалистической государствомы трос лэсьтэ со понна, чтобы обеспечить карыны неуклонной будонэз колхозной хозяйствоын, чтобы колхоз'ёс неуклонно мед нуозы гормон сюрестй, асьсэлэсь хозяйствозэс будэтыса но паськытатыса, колхозник'ёслэсь улонзэс карыны счастливой но зажиточной. Партия но правительство вооружить карызы колхоз'ёсты выль машинаосын но агротехникаен, колхоз'ёслы сёт'яло баджымесь кредит'ёс.

Вот малы дырыз дыр'я но быдэсак государство азын обязательствоосты тырмыг'ян являться карыське котькуд колхозлэн нырысь заповеденыз. Сельскохозяйственной артельлэн примерной уставезлэн 12-тй статьяез возматэ, что артель денежной доход басьтонэз пöлысь первоочередной порядоен „Законэн тупатэм'я государствалы тыре налог'ёс, страховой платеж'ёс но берыктэ денежной ссудаос-сэ.“

Котькуд аре денежной доход басьтэм пöлысь колхозник'ёсын пополняться карыське артельлэн неделимой фондз. Неделимой фондлэн коньдонэз кутыське сельскохозяйственной тырлык'ёс, пудо но строительной материал'ёс басьтыны.

Неделимой фондз вис'яку совершенно учитываться оз карыськы колхозной производстволэн кулэлыкэз. Сельскохозяйственной артельлэн примерной уставезлэн 12-тй статьяз вераське, что „отчислять кароно, пополнять карыны неделимой фондз зерновой район'ёсын 12—15 процентозы, технической культура кидыс но пудо вордйсь район'ёсын 15—20 процент артельлэн денежной доходэлэсь“.

Таин та способствовать кароз, колхоз'ёслэн хозяйственной мощсылэн чалаяк будонэзлы.

Сельскохозяйственной артельлэн примерной уставезлэн 12-тй статьяз юн пунктэ, что колхозлэн коньдонэныз распоряжаться карыськыны право принадлежать каре колхозлэн хозяинэзлы-колхозысь член'ёсызлэн обшой собранизылы. Одыг копейка но колхозной коньдон кутэмын луыны уг быгаты колхозысь член'ёслэн обшой собранизы ут-вердить карем прихода-расходной сметаез тйяса.

В. Калистратов.

Клуб'ёслэсь ужзэс

умоятоно

Интыосысь Совет'ёсы быр'ён'ёслы дасьяськонын, сое орчтыонин, калык пöлын валэктон уж нуоны политпросветучреждениослэн азызы туж баджым уж сылэ. Озы ке но районуьстымы трос кивалтысь-ёс клуб'ёслэсь но избачитальняослэсь ужзэс умоятыны внимание ичи вис'яло. Та ужез второстепенноен лыд'яло но уг кивалто. Та сярысь редакции трос гожтэт'ёс вуо.

Тани кызы гожтэ „Шор муч“ колхозысь селькор Н. А. Шочев эш: „Мало-Пургинской сельсоветысь „Шор муч“ колхозын клуб чик уг усьяськы, клубын но кычэ культурной шудон'ёс өвёл, озы ик клуб оборудовать карымтэ. Колхозысь егит'ёс дырзэс орчтыны ёрмо, колхозын клублэн заведующеез но өвёл. Интыосысь комсомольской организация но колхозлэн правлениез тэ ужез интересоваться уг карысько.

— Аксакурской сельсоветысь Кагановичлэн нимыныз нима колхозын клублэн ужезлы внимание өвёл,—гожтэ селькор П. Пчельников.—Колхозысь клублэсь ужзэс умоятон сярысь комсомольской организация трос пол решение кутыны, нош колхозлэн председателез П. В. Марков озы ке но клублэсь ужзэс умоятон понна уг сюлмаськы.

Клубын толалэз чем дыр'я кезыт луылэ, керосин өвёлэн чем дыр'я уг усьяськы. Клубын культурно-массовой уж уг нуиськы. Колхозын егит'ёс трос, нош соослы дырзэс орчтыны не кытын.

Клубын уж урод мынэм сярысь селькор И. Плотников но гожтэ: „Мало-Пургинской сельсоветысь „Дружный“ колхозысь клубын но кычэ культурно-массовой уж уг нуиськы. Клублэн заведующеез А.

Мойсеева клубез лампа өвёл шуыса уг усья. Соин сэрэн татысь егит'ёс дырзэс культурно орчтыны уг быгато.

Нош колхозлэн правлениез (председателез И. Рыбаков) клублэсь ужзэс умоятон понна уг сюлмаськы.

Ильинской сельсоветысь „Безбожник“ колхозын егит'ёслы клуб лэсьтом шуыса буйгаткыса уло. Клуб лэсьтыны та колхозын 1937 арын кутскизы ни, озы ке но клуб али но вуымтэ. Колхозлэн кивалтысьёсыз „строительной материал'ёс өвёл“ шуыса уло,—гожтэ селькор К. М. К.

Селькор'ёс гожто: Пытцямской сельсоветысь избачитальняын Интыосысь Совет'ёсы быр'ён'ёслы дасьяськонэн но калык маса пöлын валэктон уж нуоны, предоктябрьской соревнованиез паськытатыны политпросветучреждениослы умой кивалтоно. Клуб'ёслэсь но избачитальняослэсь ужезс выль удысэ пуктоно.

Та ужез озы ик уг кивалты РОНО но ВЛКСМ-лэн райкомез. РОНО-лэн заведующеез П. Мерзляков „ужас өвёл“ шуыса аслаз кабинетаз буйгаткыса уло. Ку медам тупатэмын луоз но выль удысэ пуктэмын луоз районуьсь политпросвет учреждениослэн ужзы?

Образованиез бюджетон сярысь

Городской яке сельской интыосысь трудящейёс образование басьтыны мед быгатызы шуыса партия но правительство вискарытэк сюлмасько.

Та пумысен, ВКП(б)-лэн XVIII с'ездз Куиньметй Сталинской Пятилеткаын трудящейёслэсь культурной уровеньзэс бюджетон сярысь тазы вераз: „Трудящейёслэсь сельской интыосын образованизэс котькудйзлэсь вуттоно 7 арозь, нош городын 10 арозь“. Тае асьмелы кулэ на только использовать карыны.

Асьме районуно котькуд НСШ-ын, средней школагын Куиньметй Сталинской Пятилеткаын дышетон планэз быдэстыны вечерной НСШ'ёс организовать каремын, кудаз кутысько дышетскыны 4 классэз быдтэм мурт'ёс 5 классэ, 5 классэз быдтэм'ёс 6 классэ, 6 классэз быдтэм'ёс 7 классэ. Куд'ёсызлэн образованизы 4

класс но өвёл ке, соослы подготовительной группаос организовать каремын.

Мало-Пургае НСШ-е ветлоно луо „Юж Пурга“, „Шор муч“, „Янгалиф“, „1-й май“, „Дружный“, „Выль гурт“ но Буденныйлэн нимыныз нима колхозысь колхозник'ёс но колхозницаос, районной центрысь ужасьёс но служащейёс. Колхозник'ёслы, колхозницаослы, ужасьёслы но служащейёслы, куд'ёсызлэн өвёл неполной средней образованизы, кулэ котькудйзлы басьтыны обязательство сое уж вылын быдэстон понна.

Колхоз'ёслэн, предприятиослэн, организациослэн кивалтысьёссылы та ужез нимысьтыз кивалтоно, дышетскымтэ мурт'ёсты косоно дышетскыны, дышетскысьёслы юрттоно, соослы дышетскыны умой условиос кылдытыны кулэ.

А. Александров.

Нимыз гинэ ферма

Аксакурской сельсоветысь „Кутер-Кутон“ колхозын 2 фермаос вань. Фермаын но кычэ уж өвёл. Жыт'ёсы егит'ёс клубе потан интые татысь фермае ветло. Фермаын ужасьёс пöлын валэктон уж уг нуиськы, фермалэн заведующеез М. Макаров таце ужез тупатон понна уг сюлмаськы, со ачиз организовать каре.

Колхозлэн правлениез таце ужез тодэ ке но но кычэ ужрад уг куты.

Редактор—Г. М. Иванов. Потгысь—РАЙСПОЛКОМ.